

眉 山 系

河
南

许 昌 苏 氏 族 谱

—— 文 史 影 印 册 ——

公元2010年3月26日 复制

历次修续家谱之「谱序」

老泉公蘇氏族譜記

蘇氏之譜譜蘇氏之族也蘇氏出自高陽而蔓延於天下唐神龍初長吏味道刺眉州卒於官一子留於眉眉之有蘇氏自是始而譜不及焉者親盡也親盡則曷為不及譜為親作也凡子得書而孫不得書何也以著代也自吾之父以及吾之高祖仕不仕娶某氏享年幾某日卒皆書而他不得書何也詳吾之所自出也自吾之父以至吾之高祖皆曰諱某而他則遂名之何也遵吾之所自出也譜

為蘇氏作而獨吾之所自出得詳與適何也譜吾
作也嗚呼觀吾之譜者孝悌之心可以油然而生
矣情見乎親親見於服始於衰而至於緦麻而至
於無服無服則親盡親盡則情盡情盡則喜不慶
憂不吊喜不慶憂不吊則塗人也吾之所以相視
如塗人者其初兄弟也兄弟其初一人身也悲夫
一人之身分而至於塗人此吾譜之所以作也其
意曰分而至於塗人者勢也勢吾無如之何也已
幸其未至於塗人也使之無至於忽忘焉可也嗚

呼親吾之請者孝悌之心可以油然而生矣余之
以詩曰吾父之子今為吾兄吾疾在身兄呻不寧
歎世之後不知何人殺死與生不為戚欣兄弟之
親如手如足其能幾何彼不相能彼獨何心

眉山蘇氏族譜序

嘗謂家之有譜猶國之有史也史所以載政事
譜所以紀世系敦本睦族之道崇德象賢之義
上以承先志下以昭世守也譜之時義大矣哉
余觀蘇氏族譜首列 老泉先生族譜引次族
譜序記又次族譜世系披閱之可見其詳畧畢
載序次井然所謂世德相承不忘舊章者與吾
因之有感矣老泉以眉州眉山人偕二子軾轍
至京師受知於翰林學士歐陽先生文忠公永

叔由是三蘇之文雄視百代名震千古長公為
汝州團練使愛郊山類蜀有終焉之義其卒也
父子祖宗三世俱葬郊之小峨眉山因號其山
曰眉山墳曰蘇墳夫郊之有墳塋猶鄔太許之
有里居也子孫繁昌領鄉薦捷南宮擢高科登
仕籍名列膠庠代不乏人蘇氏於鄔太許稱望
族焉雖其地氣使然要非三先生之道德文章
流風善政深仁厚澤之所涵濡不致此名公巨
卿聞人達士縉紳先生憑吊高風跡其軼事著

為詩歌傳皆彙為譜帙額曰眉山族譜使系出
眉山者知有所宗皆得附載按譜蘇轍五世孫
嗣之即宗之因諱改有子二長扶綱次扶綸綱
生曰弘毅綸生曰弘道毅之子三人長居鄆陵
仲居太康季居許昌道之子居郊鄆太許與郊
為最密邇其族諸生明經公蘇子羽震文學公
蘇子永祚蘇子濟世數以文藝相往來談及家
世恐其久而遂湮也用是遵其遺譜序其世次
董其成功俾後之子孫有所持循敦本睦族之

道備焉崇德象賢之義明焉上以承先志下以
昭世守者端有賴於斯譜也譜成乞余為文以
垂永久余誼不容辭用申仰止景行之意書於
簡端云

大清順治拾壹年歲次甲午夏五望日戊子科解
元郊城後學公廷舉達視氏頓首撰

蘇氏家譜原序

君子行禮以序宗因睦以合族族之有譜所以聯
派流之遠昭根系之同而進風俗於古處也故上
而國有宗盟下而家有世譜皆以示葛藟庇根之
誼而嚴棄德曠宗之戒云丙戌夏余自南司謬奉
簡命校士七閩道經里門安陵蘇子羣玉與其弟慤如
予舊好也過而相顧殷勤道歎憶故情深出其族
譜指示求予一言序其首曰本支居彪岡者久矣
陽下許昌皆吾族也合而譜之同敬宗收族之遺

簡命校士七

閩道經里門安陵蘇子羣玉與其弟慤如

意特以世系遙遠居貫零星考徵無因僅得其畧
未能無憾爾予曰譜以示信略亦何嫌夫骨肉之
為秦越也由於親愛之薄親愛之沒以泯沒也由
於譜系不明故欲培根本者藉譜乘以通至情情
相維繫而族姓睦矣考蘇氏為周司寇忿生之胤
其先陸終昆吾祝融裔也後傳藍田洛陽兩望散
處中州者其洛陽派乎按譜中三境三支始於元
本本以兄弟而散籍各土者也厥後皆以詩書聞
家衣冠閭閻鼎峙相耀羣玉之大父公為紹東先

生弱年登第才品德望超出一時晉秩吏曹銓務
肅慎政績至今不朽羣玉之尊嚴公為尋菴先生
倜儻不羈酒酣高歌曠然自適然能守其家法不
屑屑為經生之業每以前途遠大責子弟故羣玉
慙如臂早歲樹幟藝苑試輒前茅而日深其孝思
藏鋒斂鐸以待時知光大蘇氏者終有在爾譜系
之作據蹟為尋菴先生所留意者有年矣以支遠
派繁源流依稀未便輕為脫稿晚年以其事囑羣
玉輩夫汪念惇睦者雖未受付託尚鼓舞從事矧

親承庭訓其能已於繼述乎而羣玉等果能銳武
先猷紹衣前烈舉族之在邑與在鄰封者罔不徵
會昭穆釐清支派編次成帙行將登諸梨棗以承
先志豈不謂賢歟若執蘇氏自洛陽而後代有顯
人茲未遐稽遠搜詳昭氏族無乃有憾則闕疑重
於春秋傳信之書固無妨於存略也且士誠有志
務本而勉於學即前無所承猶將取古來魁奇卓
犖之行深其嚮往則雍州之父子眉山之兄弟邊
追箕箒之累世文名安知不再見於繼自今乎是

為序

省

康熙四十五年歲在丙戌嘉平之月朔旦

賜進士第

欽命提督福建通省學政陝西道監察御史洧上年家

眷弟楊篤生頓首拜撰



舊譜序

堯典曰以親九族九族既睦我

皇上聖諭曰爲宗族以昭雍睦遐稽近考教本
睦族之道憂憂乎難其人焉安陵爲豫中
名邑公卿士大夫之家世德相承積功累
仁歷千百年而猶彰者當以我 外王父
蘇公爲稱首按家乘蘇氏本於眉山始祖
文定公子由流寓中州文章勲業傳於宋
代後裔遷山右洪洞元末周兵戈離亂兄